



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 90. Papa Borbonio Cardinali, & Lugdunensi Archiepiscopo libertatem prius concedi postulans.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

§. XC.

Sæcul. XVI.
A.C. 1589.

Papa Borbonio Cardinali, & Lug-
dunensi Archiepiscopo libertatem
prius reddi postulans.

Sixtus V. Pisano hæc in responsis da- *Thuan. l. 94.*
bat: „Mirum sane est, quod Fran- *Davil. l. 10.*
„ciæ Rex omnem sacræ Sedi submissio-
„nem promittere dicatur, atque a suo
„scelere absolvi petat, cum tamen eo-
„dem tempore Cardinalem, atque Ar-
„chiepiscopum, qui præter Ecclesiasti-
„cos nullos alios Judices agnoscere
„possunt, captivos detineat: ad nos
„autem Rex recurrere debuisset, cum
„nos hac de causa cognoscere, & illos,
„si rei fuissent inventi, promeritis pœ-
„nis castigare non defuissemus: nunc
„vero Henricus, priusquam petitam
„absolutionem sperare poterit, sinceræ
„pœnitentiæ signa edat, hancque in-
„rem specialem deputet Legatum, qui
„hanc veniam exoret: ut autem sese
„illa dignum reddat, pœnitentiam ab
„utriusque Præfulis liberatione inci-
„piat. „His quoque addebat Ponti-
„fex. „ Tu æque, ac Rex tuus non-
„nisi mihi illudere intenditis, meque
„perinde habetis, acsi adhucdum pau-
„per essem Religiosus unice ad occu-
„pandam cellulam utilis: vosmetipfos
„autem fallitis, nam sciatis velim, quod
„vobis

Uu 2

Sæcul. XVI
A.C. 1589.

„vobis res sit cum Pontifice, qui etiam
„extrema tentare paratus est, dum de
„honore, atque Ecclesiæ bono agitur.“
Ad hæc Pisanus Papam interrumpens
hæc subjecit: „Ergone, Beatissime Pa-
„ter, Regi meo haud integrum erit,
„Cardinalem juratum hostem suum in-
„terficere, cum Pius IV. privata sua
„auctoritate (*) Carassam Cardinalem
„amicum suum strangulari jussit?“, His
Pisani verbis Sixtus V. tantopere com-
movebatur, ut vultu ad indignationem,
iramque composito utrumque Franciæ
Ministrum discedere juberet.

§. XCI.

*Papa in Patrum Senatu adversus Re-
gis scelus perorans.*

Thuan. l. c.
Lettr. de
Joyeuse ou
Roy parmi
celles du
Card.
Ossat t. I.
pag. 192.

Altera post colloquium die summus
Pontifex habito Purpuratorum Se-
nату vehementer querebatur, quod
Morosinus Cardinalis in Franciæ Re-
gno Legatus sacrilegæ Guisii Cardina-
lis neci sese non opposuerit, cum ta-
men sua opinione facile eam præpe-
dire potuisset: insuper Papa Cardina-
libus sigillatim enarrabat, quæ tam
a se

(*) Carassa ob sua delicta instructis judici-
actis, jurisque via convictus, a judice Ec-
clesiastico simul, & profano condemnatus est.